

Wolf - Rosenstein

I.

?Car vey fenir a tot dia
[l'amor], lo joi, e'l deport,
e no·m socor la clerzia,
non puesc mudar no·m cofort
co fay, can conois sa mort,
lo signes, que bray e cria
e·n mou son sonet per fort,
que·l cove fenir sa via,
e plus no·i a de conort.?

II.

?Maïstre, si Dieus me valha,
ben dizetz so que cove;
mas ja d?aisso no vos calha
car li clerc no vos fan be;
car lo bos temps ve, so cre,
qe auresc aital guazalha
qe vos dara palafre,
o renda que mais vos valha,
car lo coms de Peitieux ve.?

III.

?Guilhalmi, non pretz mealha
so que·m dizes, per ma fe;
mais volria una calha
estreg tener en mon se
no faria un polhe,
qu?estes en autrui sarralha,
c?atendes la lor merce;
car soven, so cug, badalha
qui s?aten a l?autrui be.?

IV.

?Maïstre, gran benanansa
podetz aver si sofretz.?
?Guilhalmi, vostra vanansa
non crei, si com vos dizetz.?
?Maïstre, car no·m crezetz?
Grans be vos venra de Fransa
si atendre lo voletz.?
?Guilhalmi, tal esperansa

vos don Dieus com vos m?ufretz.?

V.

?Maïstre, n?ajatz coratge

d?efan ni d?ome leugier.?

?Guilhalmi, sobre bon guatge

vos creyria volontier.?

?Maïstre, man bon destrier

an li home de paratge,

per sufertar al derrier.?

?Guilhalmi, fort e salvatge

.....?

VI.

?Maïstre, josca la brosta

vos pareisa·l teit novel.?

?Guilhalmi, ben pauc vos costa

lo mieus ostals del castel.?

?Maïstre, conte novel

aurem nos a Pantacosta,

que·us pagara ben e bel.?

?Guilhalmi, fols es qui·us escota:

vos pagatz d?autrui borcel.?

- letto 645 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/wolf-rosenstein-0>